



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-231-4/24**

Datum: 15.07.2024. godine

«Agencija za vodno područje rijeke Save» Sarajevo rješavajući po zahtjevu pravnog lica «EMANDŽAN» d.o.o. Visoko za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića u naselju Čifluk, grad Visoko, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E **o vodnoj dozvoli**

1. Pravnom licu «EMANDŽAN» d.o.o. Visoko daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića, kapaciteta 30.000 pilića/turnus, izgrađenog u naselju Čifluk, na zemljištu označenom kao k.č. broj: 354/3 K.O. Kralupi, grad Visoko.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog kompleksa objekta za tov pilića vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se u toku važenja ove vodne dozvole ishoduju dokumenti prostornog uređenja (upotrebna dozvola).
 - 2.3. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.4. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 2.5. Otpadne vode koje nastaju u toku pranja objekta nakon završenog turnusa, prikupljati u šabirnu/osočnu jamu bez ispusta koja će se povremeno čistiti.
 - 2.6. Čišćenje i pražnjenje vodonepropusne sabirne jame može vršiti isključivo firma ovlaštena za tu vrstu djelatnosti, prema posebnom ugovoru.
 - 2.7. Objekte čija je svrha odvođenje i prikupljanje otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.8. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 2.9. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
 - 2.10. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav 1. Zakona o vodama se daje sa rokom važenja od 1 (jedne) godine od dana pravosnažnosti ovog Rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «EMANDŽAN» d.o.o. Visoko, dana 10.05.2024., podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet vodu ili ometati poboljšanje njihovog postojećeg kvaliteta u postupku rada objekta farme za tov pilića, kapaciteta 30.000 pilića/turnus, izgrađenog u naselju Čifluk, na zemljištu označenom kao k.č. broj: 354/3 K.O. Kralupi, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-000825 od 19.03.2024. godine izdatog od Općinskog suda u Zenici,
- Kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPJR/1-856-2/11 od 25.02.2011. godine izdatog od Uprave za indirektno-neizravno oporezivanje Banja Luka,
- Dokaz o uplaćenju upravnoj taksi,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-12108/21 od 31.08.2021., izdatog od Službe za statistiku za područje Zeničko-dobojskog kantona,
- Kopija Rješenja o odobrenju za građenje broj: 12-23-6789 od 29.12.2010. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o urbanističkoj saglasnosti broj: 12-23-2433 od 18.10.2010. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o okolinskoj dozvoli broj: 12-23-6552-1/10 od 12.03.2019. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o prethodnoj vodnoj saglasnosti broj: 05-25-2795-3/10 od 14.07.2010. godine izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o prethodnoj vodnoj saglasnosti broj: UP-I-25-1-40-338-2/10 od 05.07.2010. izdatog od «Agencije za vodno područje rijeke Save» Sarajevo,
- Saglasnost za priključenje na lokalnu vodovodnu mrežu izdata od Predsjednika Savjeta MZ Kralupi,

- Konačni izvještaj o izvršenoj reviziji projektne dokumentacije broj: 02-21-113-4/24, april 2024. godine, urađen od «ZAVOD ZA VODOPRIVREDU» d.d. Sarajevo (na uvid),
-
- Glavni projekat vanjskih hidroinstalacija - farma za tov pilića, Visoko, Ginje šifra: 45.AM.PER.IV/24, april 2024., urađen od strane «PERSPEKTIVA-inženjering» d.o.o. Visoko (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-231-3/24 od 26.06.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat farme za tov pilića je izgrađen u naselju Čifluk, MZ Kralupi, grad Visoko. Objekat za uzgoj je P+1, kapaciteta 30.000 pilića/turnus. U toku je ishodovanje odobrenja za upotrebu objekta.
- Stelja i đubrivo se nakon završenog turnusa se odvozi od strane trećih lica, kao i na vlastite poljoprivredne površine.
- Otpadne vode od pranja objekata nakon završenog turnusa se prikupljaju sistemom slivnika i kanalizacione mreže i odvođe do armirano-betonske sabirne/osočne jame bez preljeva i koja se povremeno čisti.
- Snabdijevanje vodom za sanitarne i tehnološke potrebe je obezbijeđeno putem priključka na lokalnu vodovodnu mrežu MZ Kralupi.
- Rok važenja ovog rješenja od 1 (jedne) godine od dana pravosnažnosti dat je iz razloga što pravno lice «EMANDŽAN» d.o.o. Visoko nije izvršilo tehnički prijem predmetnog objekta u kojem se duži vremenski period obavlja aktivnost za koju se izdaje vodni akt. Iz tog razloga a na podlozi činjenica utvrđenih u postupku odlučeno je da se izda rješenje na kraći vremenski period. Nakon dobijenog Zapisnika o tehničkom prijemu objekta pravno lice može podnijeti zahtjev za produženje važenja predmetnog rješenja.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 2. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH“, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je pravno lice «EMANDŽAN» d.o.o. Visoko, ispunilo minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-231-2/24 od 21.05.2024.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

201 - Po ovlaštenju
Rukovodilac sektora za izdavanje
vodnih akata
Sanja
Nihad Pezo, dipl.inž.građ.

**Dostaviti:**

- «EMANDŽAN» d.o.o.
Ul.Ginje 69, 71300 Visoko
- ⊖ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava